

A hmain Muslim, tuhin Missionary: Voi hnih lai a hringna lak an tum tah a chuh Mohammad Yamout chun Muslim khawvela Chanchin Thra hril le Isu zui chu tawp san a tum chuong nawh. "Beirut khawpuiah ka nu le ka pa-hron leh um ni unlang khom khawlai naupang ang deuva khawsa hlak ka nih" tiin a pieng hmain a pa takin a nu a maksan thu a hril a. "Ieng leia khawvela um am ka na? Pathien chu tu'm a na?" ti zawnahai donna chu Islam sakhuoah ka zong a, Muslim sakhaw thruoitu (Imam) khom kan biekpui nghe nghea chuh lungrilah hadamna ka la hmu naw zing tiin exodustrekkers.blogspot.com achun a hril lang a. Kum 14-a upa a ni chun kum 7 lai sandamna lampui Kristienhai ring dan sakhuo inchooktirnaa (religion classroom) a lo ngaithlak hlak chun a lungrilah sin a thaw tah a. "Kha darkâra thil tlung kha a mak em em a, sienkhom ka ruolhai hriet hoiah Isu kuomah ka la'n pumpek ngam nawh" tiin a hril. Zana chun a in thei naw a, a lungrilah Isu pom le pom naw ding a'n suol char char. A tawpah, zan dar 3 chun a bok khup a, "Isu, misuol ka nih. Lalpa Isu, mi ngaidam rawh, ka mamaw che a nih" tiin inring deuin a trongtrai a. Chu zova chun himna ruk tak neiin a zingah sikul a kai lai chun a hringnun po poah inthlakthlengna umin a'n hriet a. Evangelist sin a thaw him lai chun Muslim kulmuthaiin voi hnih lai a hringna lak an tum a chuh, "Pathienin ka chatuon inah um dingin a mi la ko nawh" a ti ve ngat a nih. An pastorin thla ruk sùng a thuphmang hnungin South Carolina-a Bob Jones University-ah inchukin kum thum le a chenve hnungah diploma lain Lebanonah a hung kir nawk a. Chu taka chun kohran tharhai phunin Thu Thlung Thar bu sang têt chu a sem suok a. Mohammad le a nuhmei, Grace Hanan chun hmangai le induthaw takin Lalpa rong an bawl zom pei.

(Source: The Gospel Truth)

OCTOBER 2016 CAMP

Hun hung tlung ding October thla hin camp nei ding le inzawmin Camp Committee mawphurtu dinga ruot hai:

Camp Director: Pu Herbert Lalsanglur.

Committee Members: (i) Pastor Lalditsak (ii) Pastor Lalsiesang (iii) Pro-pastor Zarzolien Infimate (iv) Upa Ruolkhumlien Buhiril.

Vol-11. No. 7&8

Aug 2016



Hrepuitu

HMAR CHRISTIAN FELLOWSHIP DELHI

(Regd No:S/ND/599/2015)

EDITORIAL- LAW M LEIA KUT BEN

KRISTIEN I NI MAW?- Rev. Roding L. Pulamte

**OLYMPICS RIO 2016 AH HREPUITU RINGUM INKHÊLMIHAI-
Upa Lalsiemlien Pulamte**

LO INRING LAWK!*

PATHIEN KUOMAH IENGKIM PÊK*

SUOL IN PATHIEN LUNGRIL A SUKKOI*

PATHIEN TIENGA THRAHNEMNGAI THEITAK MI NI RAWH*

THUTAWPNA*

HMANGAINAIN HMANGAINA A SIEM*

KRAWS HÎPNA*

KUALITI THRATAK PA*

MI KANGRAL THEI MEI*

KRISTIEN KHAWVELA CHANCHIN LAWKRHAWM

**Selwyn Hughes a ziek "Everyday with Jesus" ("Nitin Isu leh")
anthawka sermon inlet.*

Hrepuitu

Hmar Christian Fellowship
Delhi

(Regd No: S/ND/599/2015)

Chanchinbu Thlakip Suok

Vol. 11. No. 7&8(Aug 2016)

Editor

L. Robert Varte

Jt. Editor:

Upa Dr. Lalsiemlien Pulamte

Editorial Member:

Immanuel Khobung

Contributing editors:

Pastor Lalditsak Inbuon

Pastor Siesang Joute

Address:

Editor, Hrepuitu,

2/4. Block 2.

NMRH

Minto Road.

New Delhi - 110002

Mob: + 91-85888 - 06754

E mail: hrepuitu@yahoo.com

Lakman:

Copy khat Rs. 20.00/-

Kum khat Rs. 200.00/-

Editorial :- Lawm leia kut ben

TV a car advertisement hla an hung sak reng rengin kan naupa kum khat le chanve mi hin a kut a benin a lo lawm thei em em a. A kut ben hi kan inchuk tir khawm a nih in kan hriet nawh. Ama lungmila a lawmna leia hieng hin a kut a ben el hlak a nih. Lawm leia kut ben. Chu takah ka lungmila hung lut vang vang chu hi hi a nih. Thlarau ei hung piengthar khan lawm leiin kut dam nasa takin ben in, hla sak khawm inhawi ei tih emem hlak. Turuok hin chu kut ben tak meu khawm intak ti chang a tam lem a, chun inkhawm hlasak lai lo ngir ve top dam hi ei upa tah em a, naupang ang, puitlinglohai ang ela kut ben le inchawm le hla inring tak taka sak dam hi thil mawi loah ei lo sie tam a ni ding? Chuong a ei lo ngai pal a ni chun, ei ingaituo thrat chu thra vieu a tih.

Ei lawm hlakna a khan ei lo lawm ta naw a ni chun, hi khawvel ropuina le mawina hnawtin ei hun tamlem ei hmang ning a tih. Tirko Rom mihai kuomah "Hi khawvel um dan hi zawm ta loin, lungmil thar putin inthlakthleng unla" tiin a lo incha angin, hi chang hin mi sukhari thar sien, naungpangtein lungmil thienghlam tak a nei a a thil lawmhai chu a alawm em leia kut awlsam taka a ben thei ang hin, eini khawm ei kuthai a thara ben nawk thei dingin Pathienin tiemtuo popo malsawm raw seh.

Hrepuitu a article insuo a umhai a hin, ngaidan suklanga um(hai) hi HCF Delhi ngaidan a(n)ni chuong kher nawh. Ziektu tin mawphurna a ni lem. Pathien thu le artikul insuo nuom hai chun iengtiklai khawma editor hai kuoma thuziek hai chu pek thei zing a nih. - Editor

KRISTIEN KHAWVELA CHANCHIN LAWKRHAWM

China rama Baibul vaibelsie khat semsuok: China sorkar chun "Biekina hmang inhai" (House Churches) chu tlokin Kristien hmun le hmang haia kraws intarhai an keithlak tir a. Chuong anga Kristien sakhuo dodalna rama Baibul kawpi vaibelsie khat (1,00,00,000) sut le sem dar chu thilmak a tling phak a nih ti naw ruol an nawh. Baibul semsuokna huoihottu, Asia Harvest Ministry chun "Hi hi mihriem hlawtlingna ni loin Pathien hring thilmak thaw a nih" tiin an puong. Anni chun Isu Krista ngeiin thawlawm thawtu ding a mi zong pek a, Kristien pawl lien tak tak leh indawr trul lova khawvel pumpuia ringtu tam tak hai leh inhrepawa hi thil hi a tak a'n chang thei a nih tiin an hril. Pathien mihaiin gospel leia ei thranguola ei inzomkhawm pha hin thil ropui tak tak a tlung reng hlak a nih an tih. Ringnawtu nuoi za tel umhai hril lovah Baibul la nei lo, ringtu nuoi tel an la um hi a lainat thlak a nih tiin sin thaw ding hmabak a la'n kho thu an hril.

(Source: Christian Today)

Sikh nunghak dawi thiem in Isu Krista a ring: Sikh nunghak, Yasmeen Suri chu a naupang lain an sungkuoin Indiaa inthok US-ah an inpem lut a. Hnam dang mi a ni leiin sikula a ruolhai lakah chun trong le lungmilah hmusitna le hnawchepna a tuok hlak. Mal nia ingai khawsawtna le a ruolhai hnawlna lei chun dawi le aisan thiemna inchukin chu tienga chun a pil tran tah a. Amaah fie ni si lo thil inril taka ngaituona, thlarau suol biekna le Setan biekna chi hrang hranga chun a hringnun a hmang a. Ni khat chu a piengchamphaah a ruolnu'n Baibul a thilthlawn pek a, Deut 18:9-14-a "LALPA Pathienin a pek cheu ram in lut pha chun, chu taka hnamhaiin thil tirdakum an thaw hlak chu in thaw ve ding a ni nawh . . . ram huoi zawl ruoitu dam, rau ko thiem dam le mithi inbiekpui ching mihai chu nangni lai an um ding a ni nawh. Hieng thil thawtu taphot chu LALPAN a tirdak a, . ." inziek chu a tiem dok pek a. Chu Baibul thu chun amaah sin thawin suol a nizie a'n hriet suok ngawi ngawi tah a. Tuhin Kristaa hringna thar neiin ama ngei chu Pathien thilmak thaw le sinthaw hmu theia um a hung ni tah. TV-ah a'n inpawlpuinaa chun, "Ka dawibuhai po po rawin meipuihah ka'n changtir tah" a tih. Tuhin biekina inkhawmin Pathienin rawl thra le mawi a pek ngei chu hmangin US hmun hrang hrangah Pathien ropuina chu hlain a puongsuok tah a nih. Ama chun hieng ang hin thurawn a neisa a – "Dawithiemnaah tlu lut naw ro. Horoscope khom tiem ngai naw ro. Chuong naw chun in hringnunah hung lut dingin Diebol hmun inkieng pal rawi in tih".

(Source: The Gospel Truth)

MI KANGRAL THEI MEI

“Ei Pathien hi kangremna meichok a ni si a”

Tiem ding le ngaituo zom dingin: Heb 12:14-29.

George MacDonald chun hieng ang hin a ziek annawm: “Hmangaina chauh naw chuh thil ieng khom thlak danglam thei lo a um nawh”. Hmangaina hin chu thienghlim famkimna chenin a hmangai tlat a nih. Mawi famkim lona hmun a chun hmangaina chun, ama le ama mawi nâwk zuol dingin a’n siem a, mawi famkim nâwk zuol dingin amaah khan famkim dingin an siem pei a nih. Amaa khan ni lovin, a hmangainaa lem khan. Chuleichun, thil mawi lo reng reng, hmangaina mawina suk bahlatu chu suk bohmanng hlak a nih. Ei Pathien hi kangremna meichok a ni si a” (Heb 12:29). Thu ropui tak a nih.

Pathien nunchang chu a thienghlim em leiin, thil thienghlim lo po po chu mei angin a kângfâi vong hlak a.

Pathienin ama chu “thienghlimna mawinaah” ama chawimawi dingin a mi dit nih. Hi umzie chu eini lunggrila thienghlimna chu ama thienghlimna leh inang dingin a mi dit tina a nih. Eini khat chun chu chu ei thawthei nâw ngei, nisienlakhawm, ama ei hnai râwn po leh, a thienghlimna mei chu einia thil porche le inhnok hai chu a kângfâi vong thei ding a nih.

Chu mei chun ama ei chawimawi naw leiin a mi kâng ral ding ni lovin, ama ei chawimawi hmâ khat chu a mi kâng ding a ni lem tiin George Mac Donald chun a lo ziek a. Chu zova, einia a kâng ding po po a kângfâi vong hnungin hringna tharin leng thei tang ei tih. Tienlai khan Pathien chu mei kâng chok nasa tak a ni hlak angin khawvel tawp chenin a ni pei ding a nih.

TRONGTRAINA

Aw Lalpa, ka lunggril po povin nangma ditdan taka chawimawi thei che ka nuom. Keia thil inhnok le bal, nangma ang nawna thil po po chu i famkimna le thienghlimna mei chun mi kângfâi pêk vong rawh. Isu Krista hmingin ka ngen che. Amen.

KRISTIEN I NI MAW?

Rev. Roding L. Pulamte

Lal Agrippa khan Zawlnei thuhai a awi leiin Paula trongkam suok kha a sêlthlâk el naw a hoi. ‘Kristien i mîn nitir hman vâng a ni chu tie’ (TT. 26:28) tîn a tre uor a. Pilat nuhmei khomin Pilat kuomah: ‘Kha mifel tak chungka khan iengkhom thaw naw rawh; voisûn hin ama leiin mang tieng thil tamtak ka tuor a nih’ (Mat. 27:19) a tih a. Lal Agrippa le Pilat nuhmei hai pahni hin iemani ti zawng tak chun ngaituona an suksei.

Thuthlung Thara Krisien tia a tîra an kona hmasatak Antiok tieng kha ngat ka tum naw a, ka tonhriethai thre khatna, hnina, thumna tiin ziek ka nuom a.

Thre khatna: 1964 September thlain Mahur JB School (Bengali medium), NC Hills sorkar sikul zirtirtu sin Bengali medium ni si, Bengali trong hre dêr lovin ka lut a, mak ve ang reng. Hieng anga zirtirtu sin ka thaw hma khom hin ka lunggril taka chun Kristien um nawna hmunah voi khat bêt chu Pathien thu hril inhawkna ka nei a. A vângneia siemin 1965 kum hung thar chun Mahur Bengali Medium Schoola inthok chun Lânglut (Sakechep) khuo Pathien thuawi pakhat khom la um dêr nawnaa chun um dingin transfer order ka hmu a, ka lawm lunggril hle. Hi khuoa ka va fe hma hin zirtirtu, kor dâm, Dimasa dâm, le a dang dang an lo um ta hlak a. Châng vea an ve mei mei hlak niin a khawsûng mihai chun an mi hril a. A va pilril deu bok leh sikul naupanghai khom kai le kai lo fawm an ni hlak leiin skul kai manner an tlasam.

Pathien thuhrlitu tam tak khomin an lo sir hlak a chuh Pathien thu hril ruok

chu an khap tlat. Ka sûnghai ka thruoi hmain ka khâtin thla hni vâng ka lo va um tah a, an khuo ka lut nia Gaonbura le Chhota Gaonbura hai trongkam suok zawna hmasa tak chu ‘Master, Kristien i ni maw?’ ti a nih. ‘Kristien i ni chun kan naupanghai le ruoltharhai hi Pathien thu i hril hrin hrin ding an nawh. Master sin thawng i ta, ni tin sikul kai i ta, naupanghai hi lekha inchûktir chu i sin ding a nih’- ti chu thupêk tiem nei hmasa tak ka dong chu a nih. Ka khâta ka va um sûng chun skul building kaina tlâk khom ni ta lo chu ka siem thratpui a, dawkan (bench) le zieksan dawkan (desk) khom a lo um mumal naw leiin rawmauvin kan siem thra vong a.

Chu khuoa um dinga ka sung hai leh kan fe ding chun Pu Lavuon EM, (Sap) Guwahati fe malamin Sângbâr Camp-ah a mîn thrut a. Camp-a inthok chun chokidarina mi zu thak ta a. March 1965 thla chun kan sûngkuoin khuo chu kan zuk lût ta a, ka nuhmei Darhmingthang le kan naute Dardingpui hmêlthra deu mut an hang hmu chun an mi lo lawm êm êm a. Lovai an tlung zo chun a khawphêkin a mi hmu nuomin an hung ta a. Keini khom kan insuk chongpu ve nghâl el. Lekha ziek le tiem thrahnemngai takin kân chûktir a. Ka um hma chun Bengali hawrop hi an lo inchûk

a na, ka uma inthok chu Roman script kan tran thar a nih. Kan sikul chu zieksan dawkan le thrungna rawmauva siem chu a ngir ve po pova naupanghai an zâl seng a, lekha khom zâlpumin an ziek a. Sâp hla chorus kân chûktir a, zing tin devotion ka neipui a, chorus kan sak a, kan hlim thei dar dar. Chorus chu an inah an sak hlak leiin an nu le pahai chu namên lovin an lawm a, hieng ang hla hrim hrim hi an pienga inthok an la hriet ngai lo a na, an thâ a fan. Zânah nunghâk po chu ka nuhmeiin A AW B le nambar tiem dân le ziek dân ân chûktir a, keiin tângvâlhai le pavalaihai po chu kân chûktir ve a. Chun hlaw lâkah ka fe châng hin beri, kûva, nawtchok ka hung hawn hlak leiin lekha inchûk khom an thâ a tho, zân tin kan in chu kan sip lai lai zie. An lunglût leiin A, AW, B le nambar an zuk hriet nghâl a. Zirtirbu-a 'Naupang thra chanchin' ti khom an zuk tiem phâk ta a, hmâ an sawn. Kha hmaa zirtirtu lo um hmasahai chu kûva uo, beri uo, zû uo, an inthawina sa uo, an thaw ang ang an thaw ve leiin inhoi an ti phien hlak a ni awm. Keini nupa ruok chu chuonghaia chun kan inhnamhnoi ve naw a, an inthawina sa khom kan fâk pêk ngai naw leiin ngaisângna iemani tak chu an mi nei. 'Master hai hi kha hmaa kan Masterhai ang in ni nawh, kûva fa lo, beri hawp lo, zû dawn lo, pathien thawina sa fa bok lo in ni leiin 'Kristien taktak in nih' an ti

hlak a. An mî'n kîna chu a lân hnuoia kristien nîna kualifikaton khom chi lî vêl chun a khûm vong a nih. Naupang kân chûktir dân an hrietin U lienhai chu an lawm a, sùngkuoa um kan ni bok leiin an lung a awi. An ina lenglût hai hrim hrim chu fâk ding an nei ang ang an pek a, an intik ngai nawh. Kan khuoa hin um zing la, khaw luah tânga khin i Pathien in ding i la bawl ding an nawm. Nakan U lienhei hi kan boi tik lehrualtharte, dawngmate hei nanga dawrdawrin kirstian (kristien) la chang ngiat an tih - an ti hlak a. Amiruokchu keini U lienhai dam sùng chun Pathien thu i hril hrim hrim ding an nawh, kristien ni kan nuom nawh ti chu an thu lairil a nih. Chu kum ma chun Pu Ruolthangvung Puruolte (Leiri haiin Bieng tia an ko), Leiri khaw mi chu Tuizonte Babu a na, Tuizonte khuoa chun biek in a bawl a, ka hang bawlpui ve hlak a. Chuonglaichun Tuizontea hin kristien pakhat khom an la um naw a, Langlut khuo hai ang bokin Pathien thuhrl an khap tlat a, det ve tak an nih. Biek in chu bawl zo a ni chun 1965 April thla, Good Friday hmang dingin Pastor Roneilien inrawinain Muolhoi Thralai Pawl an hung a, Tuizonte biek ina chun kan naunu Dardingpui-in baptisma a chang nghe nghe. Ka sangnu Zairemmawi, Muolhoia sikul kai lai khom a hung ve a, ama hi hla sak thiem a ni leiin maik hmanga hla a hei sak chun Tuizonte nunghâk- tlangvâl,

KUALITI THRATAK PA

"Mipuihai LALPA chu a thienghlim ie, a thienghlim ie, a thienghlim ie, hnuoi pumpui chu a ropuinan a sip a." (v. 3)
Tiem ding le ngaituo zom dingin: Isai 6:1-13.

Pathien nungchang le a lungril ei ngaituo hnungin, tuta ei ngaituo ding chu a thienghlimna hi a nih. Baibul tiem mei mei tu khoma Pathien chu danglam tak le ropui taka thienghlim a nizie hre thei a tih. Pathien mizie le nungchang dang danghai nêkin a thienghlimna thu hi hmun tam taka zieklang le hmangin a um a. Hi chava inthok khom hin thienghlimna a poimawzie chu hriet thei ning a tih.

Anleh, iengtak hi'm a na Pathien 'Thienghlimna' ei ti tak hi? Ngaituona pathum a um a. A pakhatna a chun, thil sie hran, a fala um, annaw khoma seihranna. Pahninaa chun var annaw leh varmawi ropui. Pathumnaa chun lungril faina, inthiengna le demkailona. Thuthlung Hluia mihai khan Pathien an inhmupui khan, Pathien indikna ropuina hmutu hai

kha a elvarin an pumin an huolkhum vêl vong hlak a nih. Mihaiin harsatna nasa tak an tuok lei khan Isai kha trongtrai dingin tempul a lut a. Uziah, kum sawm nga chuong lai rorel thei lai kha a thi ding khan Asuria, hnam trium le nunrawng tak hai chu hmar tiengah ngirin, khang ang huna khan Isai kha trongtrai dingin a fe a ni kha. Isai, lungrila a beisei ang hmu dinga inring chu, Lalpa hmel a hei hmu zet khan chun a beisei naw tieng dai thil a hmu a. Lalpa ropuina a hmu khan a pumin them danglamin a um a ni kha. leng leia khang khan a um am ei ti chun, Pathien ropuina le thienghlimna khan Pathien lungril hrietna dinga thil poimaw tak a nina suklangu a nih. Kualifikeson po po laia poimaw tak chu theinghlimna a nih. Chu chauh chun Pathien ei hnaiin a hmel ei hmu thei a nih.

TRONGTRAINA

Aw Lalpa, voisun ka lungril hi enin kei le kei kan don a, Pathien Thienghlim rawngbawl dingin ieng thil am thaw a trul ka hriet am? I ropuina le thilthawtheina hrethiem thei dingin ka lungrilah ka pom ta hlak che am? Hieng po po hi inthuk taka hrethiem thei dingin mi thrangpui rawh. Amen.

KRAWS HÎPNA

“Chun kei hnuoia inthoka khaikanga ka um chun, mi po po keia tieng hip ka tih.” (v 32)

Tiem ding le ngaituo zom dingin: Jn. 12:20-33

Ei lungrila Pathien hmangaina meikang chu einin intak taka ei hlawsuok annawleh einia inthoka suok a ni nawh. Pathienin a mi hmangaizie ei hmu leia, ei lungrilin chu hmangaina chu hmangainain a don lêt lem a nih. Hmangaina leiin hmangaina ei pêk lem a nih. Eini tienga thil thaw lei iêngkhom a ni nawh. Pathien hmangaina chang tuma sinthaw tumna lungril hi ei bansan a trul takzet a nih. Thilthra thaw leia suok chu a ni lai zing, an tranna chu hmangai ei nizie ngaituo a, chu hrietna leia suok chu a ni lem.

Hi thil hi ka rawihai ka hril hlak an nawm. Hmangai anni hma chu hmangai lêt thei naw ni hai. Ka hril umzie chu hmangaina hi sanglêtna/donlêtna a nih. Ei thlarau hin hmangaina a dong phot a, chu hnunga chun hmangaina chu a pêk suok thei chauh a nih. Mi, a nu le pa hai

inthoka hmangaina dong thra rak naw chun hieng ang hin a ti hlak: “Pathien hmangai intak ka tih. Asanchu ka nu le pa haiin an mi hmangai naw leiin, sungrilah hmangaina tak tak ka hriet thiem thei naw” ti damin. A ni ngei, an dik vieu, nisienlakhawm, tukhom Kalvari tieng nghain, an nu le pa haiin an lo hmangai naw leiin, Pathien hmangaina an hriet thiem nawh an ti chun, Pathien hmangaina chu mihriem harsatnain a hliekhu tina a nih.

Pathien hmangaina chu ei lungrilah eiin luong luttir pha chauh a hung lut hlak a nih. Eini thu a nih. Ditna lungril chu darthlalang kharna, (blinds) ei zuk kei ang hi a nih. Chu inkhumna (blind) chu ei zuk kei char chun nisa var chu room sungah a hung lut hlak a nih. Ei lungrilin a'n hong phot a trul a nih. A bak po chu Pathienin thaw vong el a tih. Eini tieng ei nuom phot a trul.

TRONGTRAINA

Aw Lalpa, hun tam tak nangma tieng lungril pe lovin, suonlam tam tak hmangin, i hmangaina hi hrethiemlo dingin ka lungril ka khar hlak a, tuhin vawi khat nawk, Kalvari tieng hung nghain, Kraws thilthawtheina chun ka lungril hi ni dang nêka nasa lemin mi hip dingin ka ngen che. Isu Krista hmingin. Amen.

nupui le naupang hai chu a en dingin an hung fuon khawm a. Amiruokchu an khaw papui haiin an theida a. Biek in tuola inthrunghai chu thingherin an ruongzâng an hung vuok thum lul lul a, an tlânse ta a.

Ni khat chu kan umna khuo Langluthai chu sinthawa an fe kêr, sikul kai trin chun naupanghai inhnêlin mei an suksuok pal a. An in po po deu thaw chu meiin a kângral el ta a, a fâl deuva um, in pathum le keini muol let liem tienga inhai chauh chu meiin a hla a. (Langlut khuo Sakechep-hai hi mani intodel, taima tak el, naupang sikul kai le pitar, putar tinaw chu sinthawthei po po sinthaw dinga inphîtfai zo an nih. Bufai khom in katin mawn khat vêt ding chu an siekhawl zing a. Vok kul, lawi kul lêar kul an nei a, an in kawlhài a thienghlim. Zîngkâr an thohlim hin an puonthuo chu inrêl takin an thlep khok a, namthlâkah an rem hieuva, khum chu chu an uk nawh. An truong bufâkna hmun khom zuk zâl el thei dinga fai le thienghlîma an sukfai a na, an zâlîna truong khom chuongang boka faiin an enkol. Thingpui an dawn zo hin nohai chu vuta nawtin an sawpfai hieuva, an inkhup diem). Chuonga an inhai meiin a kângram el ta lei chun Dist Council Office-a inthok chun Boro Muolkoia transfer dingin order a hung suok a. Amiruokchu Langluthai hin kan fe suok an phal naw leiin Office-ah an mi hang thlo a, ‘Ama hi mi hmangaitu a nih, kan

naupanghai thra takin lekha ân chûktir a, Kristien thra tak, kûva fa lo, beri hawp lo, zû dawn lo, pathien thawina sa khom fa ngai lo a na, um zing raw se - an tih a. Khawsûng harsatna leia fe suok dinga kan hang in siem chun Haflong chen thuomhnaw mi phur pêk ding, phur man ka pêk ding tiin ka hang zong a. Amiruokchu Gaonbura U lien chun, ‘Ei master-pa hin thuomhnaw phur man pêk dinga a fiel cheu khomin tukhom fe naw ro,’ tiin a lo hril vong hi a lo na. Kan silfên inbel lai leh chauh naw chu fe suok dân ding a um ta nawh. Chuonga kan thuok donga beng thlepa kan inngai el lai chun mak takin an mi hmangaina an hung suklang ta tlat. Papui hrât, lien deu deu, pathum paikawng leh an hung lut a, ieng thaw ding am an na ti kân don chun, ‘Gaonbura U lienin ei Master-hai hi Haflong chen an thuomhnaw phur unla hang thak ro’ a ti a nih an ta. Inzak um kan tih, rinum kan ti letling. Vairik inhnu tieng chun kan suok a, nupui, papui, nunghâk-tlangvâl, ka naupanghai le inthre chu thlânmuol tieng pan leh an ang, kan kepha chu a hnuoia sehriet inhnâk tak bel leh ân ang. Lânglut mihai hi kan lungrila hin nawt re an ni ngai nawh. Kea lawn kan ni leiin Gunjung, Pu Dailo Buongpui, Compounder quarterah kan riek a, a zînga chun inhma vûkin Haflong, Muolhoi kan tlung ta a. A mi thaktuhai khom chu sôn bu fâk zo

chun kîr nawk nghâl an tum a. An thilnei po po meiin a kângral leiin sin thawna thuom inbela an mi hang thak kha a na. Ka thrangpui theina lampui nia ka hriet leiin thuomhnaw phur man khom inbawk deu pêk ka tum lai chun, “Gaonbura U-lienin ei Master-pa thuomhnaw inphurna man hi chêng khat khom in lâk ding an naw a, beri, kûva man ding a ti khomin la dêr naw ro’ a ti a nih, an tia, chêng khat el khom an lâk nuom ta nawh. Huoi ha! Ka tlawm dêr! Ka lungril a trap top. Ni hni zet sin an chai nawk nghâl. Ieng ti ziea Langlut ka lo maksan kher kher amani aw! Lânglut khuo hi Pathien thu awi ni naw hai sien khom Samari mi thra khuo an lo nih. A mak a ni aw! Voisûn chen hin Lângluthai hmangaina le thratna hi kan lunglai phêkah nawt rê thei lovin ziek nghet zingin a um. Kan mâksan ta leiin naupang sikul kai tum an um ta naw a, sikul khârin a um a, kum tharah zirtirtu pakhat sorkârin a zuk pêk a, an lo dit naw a. ‘Kan master-pa naw chu kan dit ta nawh. Ama kha Kristien indik tak a ni leiin a mi hmangai a, mi dang kan dit nawh’, tiin an lo hniel. Pu Lalvuon, EM Sap leh sikul nei nawk dingin kan zuk hril a, kum hni hnungah sikul an hong nawk ta a, ka dam huoi huoi. Chu khuo chu hun sawtnawteah Kristien khuo a hung ni ta a, Kristien chi lo inphûmrûk chu nasa takin a hung pâr suok a, Pu K. Lalhmingliana, ‘El-Bethel’ tia hrietiâr khom khan rongbawlna a

zu nei nghe nghe a, Kristien dettak an hung ni tah.

Boro Muolkoia chun asstt. teacher sin thawin ka um a, kan head teacher chu Upa H. Tuokung (Ruoti-pa, ama hi Thiek trong thiem) a na, teacher dang pakhat chu Lala Biete a nih. Zîngkâr devotion ka neipui hlak a, English chorus kâ’n chûktir leiin naupanghai ni leh an nu le pa hai khom an lawm. Ngaituona khêlah Mahur JB schoola ka thok laia ka saiinsangna Saron khuo Gaonbura, Upa Chungsiek Zate-in Office-ah hni taktein a mi hang hni leiin Saron khuoa um dingin transfer order a hung suok ta thut a. Boro Muolkoi Gaonbura chun voi thum stay order siem dingin hnina a hang pêk lût a, a hlawsam. A tawpah transfer order pathumna, a nuhnung taka chun Roding hi Saron LP Schoolah a fe naw chun a sin dismiss nîng a tih ti a ni leiin lo thei lova fe suok a trûl tah. B. Muolkoi kan suoksan ni chun sikul naupang po po le nupui ruol chu mitthli leh kan insop ve nawk a, pênసుokna kê chu thirtum khai ang a nih. Sikul naupang, a chîn a lienin kan thuomhnaw mani tum tawk vân zêmah thawin Harangajao rail stationah an mi zu thak a, an hmêl hmu thei an ta nawh. An ni khom chu kan suoksan ni zînga inthok chun, zîng bufâk khop chun naupanghai chu khawhnaumah an

HMANGAINAIN HMANGAINA A SIEM

“Aman a mi hmangai hmasak leiin ei hmangai a nih.” (v. 19)

Tiem ding le ngaituo zom dingin: 1 Jn 4:17-21; 5:1-12

Pathien hmangaina hi Thuthlung Hluiah chieng taka inziek siin, iem a ta tirkio Johan chauh khan Pathien chu Hmangaina a nih, a ti a? Mihriem hin Isu Krista hmel ei en hma chu Pathien hmangaina hi ei hriet thei naw a nih. Isu hringnuna khan Pathien chu hmangaina a nizie kha chieng takin an lang a nih.

Mi tlawmte el chauh hi Pathien hmangaina tieng ei inhong a nih. Ama chu hmangai nekin a tritin ei tri lem a hoi chang a tam lem. A ni ngei, Pathien a ninaa tritna chu a um ngei, nisienlakhawm chu chu a ni nawh ei hril tum tak chu. Pathienin a mi hmangai inthukzie hi ei hriet chieng hmakhat chu ei hringnun khaltu khawl chu a’n her danding takin khal thei ngai nawng ei tih.

Ka naupang lai Pathien hmangaina ka ringhla pha pha, mihai chun

“Kalvariah fe raw” an mi ti el hlak a. Ka hriethiem thei naw hlak a. Anachu, voikhat chu Pathien lakah ka nuor a, “Pa, i mi hmangai taktak naw ning a tih, mi hmangai taktak ni la chu ka hringnunah hrietthiemlo ding le harsatna hai hin mi tlakbuok naw ni hai” ka tih a. A donna ieng khom ka hmu naw a chuh, kraws a mi kawh hmuh a. Chuongchun, chu taka a naupa Isu krawsa a thi a mi’n hmutir khan, ka mita phuhliphai chu an tla tah a, aman a mi hmangaina a’n thokin ama hmangaina chu a hung luongsuok lem ta a nih. Khi a chung a Baibul chang ei zieklang hi ka hrietthiem sot tah a.

Pathien hmangaina chu eini thawsook ni lovin hmangaih ei ni leia ei lungrilin a donna a ni lem. Einin ei thil siem thei ni lo, a thlâwna thilpêk ei dong a nih lem.

TRONGTRAINA

Aw Lalpa ka Pa, ka buoina chu nang ka hmangai tâwk naw che ni lovin, i mi hmangaina inthukzie hi ka hriet naw lem hi a nih. Tuhin ka mita phuhliphai hi mi sukthla pêk la, mi’n hmu chieng tir rawh. Chieng taka hmu thei dingin, Isu Krista hmingin, Amen.

THUTAWPNA

“LALPA tri chu varna bul a na, chun mi thienghlim hrietna chu hrietthiemna bul a ni bok” (v. 10)

Tiem ding le ngaituo zawm dingin: Thuvarhai 9:10-18

Thuvarhai inchukтира kawngah thawding ka beisei hai chu ka sukpuitting ka ring - chuonghai chu tuta inthawkin nang khawm ruk inru tranna, dawn tranna, le mi hming i sal tranna ding chu. Mak tinaw rawh. Ka hril tum tak chu, hihi a nih, tuta inthawk chun, nang khawm i hun inptetetak kara chun hun inruin, Thuvarhai hi tiem hlak tang i ta; chun a sungah thuhai, tui inthieng tak hai chu dawn hlak tang i ta; zanah i khuma i zal pha khawma hi bu sungah thu thra le ropui taktak hai chu ngaituoin in i ta; chun Pathien hming salin a thu le nundan ding amin inchukтира hai chu nitinin i nunah hmang tang i tih.

Thuvarhai thupui thren thren ka la them nawh um i hriet chun, ka thaw thra a nih chu. A thuhai chu inthuk nawk lem le kimchang lema tiem le i lungri la ngaituo dingin chokphur a che. Hi taka “varna lungphun” pasari hai kha Thuvarhai ah thupui deudeu hai an nih a, midang khawma ngaidan dang khawm nei

thei an tih. Chuonghai thuziek hai khawm chu tiem rawh - thil hmufie le chieng nawk zuola hre thei dingin thrangpui an che.

Chungtieng varna – thil popo laia hlutak thu tieng ngaituona tieng chun i lungril chu inhawngna dingin ka trongtra i nih. Anachu hihi hre zing rawh, varna chu varna ding chauvin zawng naw rawh. Lal Isu Krista aiawtu i ni nâwk zuol theina beisie lem leiin zawng lem rawh. Chun dan tieng chauva thlirna tieng chu fimkhur rawh, thlarau suksetu lungril putna chu, chuonghai chun dan le thu hi Isu Krista nêk khawma an ngaina lem a nih. Isu Krista chu tukhawm hin i la hriet naw a ni chun, i lu kunin, tuhin, i suol popo chu simin, totrokin i lungril le hringnun chu a kutah inhlân rawh. I lampuihai chu Pathien kuoma inhlanna chu varna intranna chu a nih; iengtiklai khawma ama ring zingna chun, chu varna chu inthranglien tirin suklenin um a tih.

TRONGTRAINA

Pa, hi varna hi mi pe rawh, midang lakah insanglemna ding nilovin, mani mamaw sukpuittingna ding nilovin, anno khawma mani hausakna sukpong ding khawm ni lovin. Nang chu hre zuolnawk thei beisei leiin ka zawng a, nang hmangai nawk zuol thei ding che le i famkimna dan lam chu hraw kim thei dingin. Isu Krista hmingin. Amen.

inrel hmang vong a, pakhat khom sikul kai nuom an um ta naw a, kum tawp exam hnai a ni nawk nghal leh ekzam ding an um ta nawh. Ka zirtir chanpuihai khom khaw dangah an transfer hiel. Boro Muolkoi naupanghai kha ka va hmangai tawl de aw! Mi pathum ni dingin mi khoiher hai sienla Langlutah pakhat, Boro Muolkoiyah pakhat, Saron khuoah pakhat ni ding bah! A kum nawk chun sikul chu an hong nawk ta a, chu chun a mi suklawm. Hieng khuo pahnihaia hin mi nêka thil thra ka thaw suok khom ka hriet naw a, ka fel lemna khom ka hriet bok nawh. Amiruokchu kan inzomna chu Kristaah a nih.

Khai leh, vairampûr le ram pilril deuva chêng hai, voi le changah Kristien hang ti ngot khom hin mit meng sen rêm rûm, bu le hmê le sarû chen khom rawt nawina, vâ thrîk threk rawt mawl tum ni awm taka in ri rût rûta rawt nghâl nuom, kut tum lien tak tak, kut thak nûlna ding le tha hrâtzie test-na ding zong dop dop ni awm tak, meng inval kul indawn ferfurin, inkhîna hrui inchitep pai a, lock-up châbi umna hrie khom tam mei an tih. Chanchinbua lem chun Pakistanah Kristien pakhat chu a kutpâr khinghniin an tan bong pêk an ti chuh! A hmun nghâktuhai khom pansak panthlang, tuolbawmhain lo melkai ve zing bok, khai ie, khai ie, ti nuoma inchtêp chawi um thei ngai. Paula le Sila chu Filipi

lungin, bangkhal rim innam rakah an thîrkol leh thîrkhai dieta khitdein an um a, hla an sak a, an khaidiet bunhai chu guiter-a hmangin le an trongtrainâna nghâktu châbi chawitu kha a piengthar top. Chabi koltu hamthra a ni bon top. I hla sak le trongbau suok leia Kristien nun mawizie hrie le hmu khom an um el thei. I nuna inthoka lo inkhîn Kristien nun mawi pârsuok lo zong khom an um el thei a ni uo. Agrippa khan Paula kuomah Kristien i mîn ni tir hman vâng chu tie- a ti kha lungril tak chun ngaituona a nei a nih. An leh, Kristien chu ieng anga um ding am? Ieng am a thaw ding?

Mîn an mi tiem an mi thlîr zing,

Ka um dân hai an inhmai nawh,

Krista nun mawi le chanchin thra,

Keimaa hin hmu an châk hlak.

Brazil Football Player-haiin World Cup hrâtna an chang trum khan an football uniform an hlîp sok sok a, T shirt-ah ‘Jesus loves you’, ‘God is love’ ti inziekhai, khawvêl mipui hmu dingin thu lairil an pholang kha tie maw.

An leh, Kristien chu ieng anga um ding am? Ieng am a thaw ding? Kristien i ni maw?

Upa Lalsiemlien Pulamte

Isu Krista hmangaina le a Pathien nina puongsuokna ding chu ramthimah fe kher kher ding tina a ni naw a, ei umhmun, sinthawna le inkhelna hmuna hai khom hin kot lien tak an hong hlak a nih. Tuta Olympics, 5-21 August 2016 sunga Rio de Janeiro, Brazil an neia hin inkhelmi threnkhat chun Isu Krista hrepuitu sin chu a tak ngeiin an inkhelna hmunah an lo phursuok a, a thren a zâr hei suklang ei tih.

American nuhmei tlan hrat le truonrang (sprinter), English Gardner chun Olympics-a ding 100 metre trail an thaw khan 10.74 sec record siemin American teamah a thrang ve phak tah a. Ama hin Florence Griffith record 10.62 ti naw mi dang record po po a kum a nih. A lawm taluo chu "Isu, ka lawm ie. Aw Pathien, i hming ka'n pak che. Ropuina ka pek che" tiin Pathien a'n pak a. Ama hi 2008-a a khup lo inat (surgery) tah a ni leiin tlan thei talo dinga an ring a nih. Chun, kum 4 lo liem tah khom khan a pasarina tling phak trawkin a beiseina chu tlawm tiel tiel a'n hriet a. Nisienkhom Baibula David, Nova le Daniel hai chanchin chu tiemin chuhai chu a hringnunah laklut a tum hlak. Rio 2016-a khan 100 m lawmman la phâk naw sienkhom teama a thrangna US women chun 100x4 m relay-ah Gold medal an lak a nih.

Bahamas mi, nuhmei tlan hrata an hril, Shaunae Miller chun 400-

meter race an tlan zova Gold medal a lak khan "Pathien kuomah lawmthu le chawimawina ka pek a" tiin a intarviutu hai kuomah a hril. Ama chun a sin inrimna hai po po hre zing pumin "Pathien zar chaua hi thil hi ka thaw thei a nih" tiin a lawmzie thu a hril. Finishing line a tlung khan gold medal lak naw an lau chu ni ngei a ta, a zuk baw pheik el a ni khah. Threnkhatin an soisel a chuh dan nawa a thaw a um nawh an tih. Kha huna khan US tlanhrat, Allyson Felix kha a hneban a nih.

Men 400 m Olympic champion thar le world record thar siemtu, Wayde van Niekerk chun Michael Johnson a record, kum 17 sung zet hneban thei lova lo um chu 43.03 sec sunga 400 m tlanin world record thar a siem. Gold medal a lak lawmnain "Isuin a thaw a nih" a tih. Tweeter-a lawmthu a hrilnaa chun "Pathien chu thilthawtheina a nih" tiin a ziek. Hi South African tlangval hin BBC Sport hai kuomah chun

Tiem ding le ngaituo zawm dingin: Thuvarhai 29:1-18

Nuhmei le pasal kara tisaa inhmangaina, nuhmei pasal kara tisa chakna hai chu ei hril tah a. Chun innei hma chun, hi tisa chakna hi thunun a trul a nih ti khawm ei hril tah a. Chun inneina huongsung a ruok chun, mani kawppui hai laka hihi tinzawn ding a nih - mani kawppui hai chau lakah. Anachu iengtinam hi taksa phurna hi lam indik tak inhrawtir thei ei ta? Grik thanthu pakhat a chun, Odysseus chun thlirkar pakhatlai chun ama le a sipai ruolhai chu an fe zatin, mihring lu le vate taksa neih, rawl mawi êmêm a hlasak hlak thil hring, sirens ti hming an pêk hai chun an lo inawi hlak a. Hieng sirens hai hin hla an sak chun, lawng khaltu hai chu chu thlirkai tieng panin an lawng hai chu khalin, tui hnuoia lung hriem deu deuhai chun an lawnghai chu sukpin an um ta hlak a nih. Odysseus chun Orpheus, khang hun laia hlaphuok thiemtak le perkhuong perthiem hminginthangtak chu ruoiin, hi hmun an tlung pha phaa, a hla phuokthar chu sak pêk dingin a fiel tah a. Chuongchun, Orpheus a hla thar phuok chu sirens hai hlasak nek deiin a mawi leiin, kha hmun kha himtakan an fesan thei tah a

nih. Thil pakhatath thrahnemngaina chun thil pakhat dangah thrahnemngaina chu a hliekhu a nih.

Eini khawm, ei hringnun a hin thrahnemngaina thilthawtheitak, thahnemngaina dang popo hneban tuding ei mamaw a nih. Chu thrahnemngaina chu Pathienah ei hmu a nih. Ama chun ei hringnun chu a hung them a, amaa hringna tuikhura tui chu ei dawn tah chun, ei lungril le ngaituona hai chu chu thrahnemngaina chun a sip leiin, thrahnemngaina dang popohai chu a thunun thei a nih. Hihi annoah Joseph kuomah khawm tlung chu? Potifar nuhmei chun thlema zalpui dinga a ngen khan, Potifar inah inthawkin tlan suokin hiengang hin a tih anih kha: "iengtin am hieng ang thil rilo hi thawin Pathien lakah suol ka thaw ding a na?" a ta?" (Genesis. 39:9).

Isu Krista, Pathien varna le Pathien thilthawtheina chu, ei hringnun lailungtaka eiin umtir pha chun, amaa thrahnemngaina chun thrahnemngaina dang popohai chu an um danding takin an umtir thei a nih - thununna hnuoi ah.

TRONGTRAINA

Aw Isu Krista, vawisun hin keima sungah a tharin hung lut la, hi thrahnemngaina mei hi ka sungah inkang tirin, chuongchun keimaah thrahnemngaina dang popohai chu thunun vong thei dingin. Hihi i ropuina le chawimawina dingin i hming thienghlim hmingin ka hni che. Amen.

SUOL IN PATHIEN LUNGRIL A SUKKOI

“Nuhmei le uiretna thil thawtu chu lungril bo a na, ama lungril ngei sukse dingin thil a thaw a nih.” (v. 32)

Tiem ding le ngaituo zawm dingin: Thuvarhai 6:27-35

Nun vong thienghlina tieng ei hril tah; tuhin ringumna tieng hei hril ei tih. Thienghlina chu innei hmaa nuhmei pasalna tienga insukporche lona anih a; ringnumna ruok chu innei huongsungah nun hmang thratna a nih. Pathien chun tukhawm inneina a lut tah reng renghai chu ringum le titak dingin ami dit a nih. Pathien chu hmangaina a nih ei tih hin Pathien chu a ringum anih khawm ei tina a nih, asanchu, hmangaina chu ringumna thrangnaw chun, hmangaina ani thei naw leiin.

Inneina hi thutiem ziek a nih a. Mi tamtak hai chun, “Lekha phekk el anih a, chun minute tlawmte vel chauvin mi ei chokbuoi a nih” ti damin an lo hril nep tum hlak a nih. La hei ngai ta. Mihriem hringna hi inlâichinna ah inngat ani si chun, inlâichinna thu indikttakna chu hmangaina a nih, chun hmangaina chu ringumna a nih a, chuleichun inneina thutiem chu hringna a thil hlupawltak chu a nih. Thuthlung Thar le Thuthlung Hlui ah inlang zing zing chu hi hmangaina thutiem

hi a nih. Chun Bible ah thutiemhai inchuk chun hihi hmung i tih - Pathien chun a thutiem chu a hlen ngei ngei hlak a nih, a khingtieng haiin hlennaw hai sien khawm. Jehova le Israel hai kara inlâichinna kha nuhmei le pasal kara inlâichinna ang dama hril khi a nih hlak. Israel chu nuhmei thralo, lo ringum talo le uire anga hril khi a ni a. Anachu Pathien chu a thutiema chun a la ringum zing a nih. Pathien chun, “Ka thutiem chu bawse naw nih. Chu chu ring thei i tih. Pathien ka nih.”

Tleirawl hai chu tulai inlâichinna buoinuoi vel hi an ditnaw a nih. Hmangaina chu zalentak nidingin an dit a nih. Ka lungril popo ah chiengtakin ka hriet a nih, “man chawi lova hmangaina” a um thrak nawh, man choi lova suksietna ruok chu a um. Hmangaina hi lungril ah thutiem pêk a nih a, chuleichun pasal le nuhmeiin thralotak le awmlo taka taksa inpawl na an hmang pha, Pathien dan el an bawsiet nilovin; a lungril an sukkoilem a nih.

TRONGTRAINA

Aw Pa, tulai khawvel, iengkim poinaw tina a hin, nangma zuitu nih umzie chu suklangtu nidingin mi thrangpui rawh. Mihai leh kan inlâichinna popo chu thienghlintaka sie thei dingin mi thrangpui rawh. I hming ditumtak hmingin ka ngen che. Amen.

“Naupangte ka ni laia inthokin hi hun hi ka lo thlir hlak a. Tuta ka thaw ding umsun chu Pathien inpak a ni el a nih. Ni tin dingdithruonin Pathien kuomah mi enkol ding le ka kal pen hai mi veng pek dingin ka hni hlak” tiin a hril. Hieng ang thiemna (talent) petu hi Pathien a ni leiin Pathienah a ringna hi a ngai hlu hle a nih.

Steele Johnson le David Boudia hai chun Diving-ah Silver medal an lak. Lawmman an lak phana dive an thaw zo thawkhat chun news reporter pakhat kuomah “Ni e, kei hi Olympics-a thrang Johnson chu ka nih. Hi taka hin Krista hmangai ding le a rongbawldinga hung ve ka nih. Ka nina chu diving thiem tak taka ka thaw hi ni lovin Kristaa zung ka keina hi a ni lem” tiin Johnson chun a hril. Ama hi kum 12-a upa a nia diving an chuk khan a luru a tet kak a, a dam suok khom an ring nawh. Voisun hin chu a dam suok el bakah medal khom a lak a, Pathien khom a’n pak a nih. A ruolpa, Boudia chun biekin pakhat “Hi diving coach hi Kristien a lo ni an nawm ni lovin Isu Krista hnungzuitu ka nina hi a hmasa lem ding a nih” tiin a hril.

Nuhmei shot put inkhelnaa Gold medal dongnu, Amerika mi, Michelle Carter chun Twitter le Facebook-a chun “Isu, ka lawmie” tiin hashtag “#Throwing-

ByFaith a ziek a. Ama hin remchang a hmu phot chun Isu a hmangaizie thu hi mihai kuomah a hril hmai ngai nawh. Hi taka hin ka thawthrat filor a trula ka hriet leiin “Thaw roh, Lalpa. Nangin hnena i chang i mi ti naw am a nih” tia trongtrai a Lalpa hni chauh naw chu thaw ding umin a’n hriet nawh. Ka deng nuhnung tak khan medal ka hmu pha tah a nih tiin a hril.

Brazilin penalty shoot out-a Germany hnebana pasal football gold medal an lak khan ball petthiem hmingthang, Neymar chun a lukhawmah ‘100% Jesus’ tia inziek a tar a. Lawm luot leia Neymar mitthli a far an hmu el khelah chu thu inziek chu an hmusa ngei ngei dingin a um. Naupang a ni khom khan chuong ang thu inziek chu a lukhawm a, biekinah a fe hlak. 2012 kuma an team Santos-in Sao Paulo state championship a lek trum khom khan a lo thaw ta bok a. 2015 Champions League hnena lawmnaa khom khan a sunzom nawk a. Neymar a hringnuna hin Isu’n hmun a chang leiin Neymar a lawmna nia khom Isu a’n thrangtir thu hi khelmuola mipui hai chauh ni lovin khawvel hmun hrang hranga TV-a lo thlirtuhai hmu dingin a puong a nih.

LO INRING LAWK!

“Nang thabo, phaivâng kuomah fe la, a lampui hai ngaituo la, var rawh” (v. 6)
Tiem ding le ngaituo zawm dingin: Thuvarhai 6:1-11

Tisa chakna hnawltheina hi ransa hai lai khawm hmu theiin a um a ni angin, vawisuna ei chang tlanga khawm hin hmu thei a nih. Phaivang chun a hun popo chu bufak nan a hmang nawh. Nakie thlasik phaa bu a vang ding leiin, a suk a tung fe ngat ngatin a bukah bu thakin, an fak ding an sie khawl hlak a nih.

Hi phaivang hmanga entirna hi i lungrilah pai tlat rawh. Hi phaivang inentirna hi Pathien thua, ei lungril a thil thawdan inchuktirna dinga entirna sie pakhat chu a nih. Naupang i la ni chun, hmatienng hun a dingin i thei ang angin, lo insiem lawk rawh. Pathienin la thawlo dinga a ti che hai thawlo el khêla, i len phaa thil i thawtumhai i tlangna kawngah khawm, inchuk dinghai inchukna kawngah khawm. I hringnun ah iengthil khawm lo thaw tum nila, lo ngaituo lawk rawh. Inchuk lawk le trongtraina in lovin ring lawk rawh.

TRONGTRAINA

Pa, i chem chun a ât inthuk hlak a chu a at nahai chu a sansuok hlak si. Thil tamtak hai chu niding renga ka ngai hlak lei le thilthaw ding i mi tihai chungah kan pêk zo naw hlak leiin mi ngaidam rawh. Inringlawkmi ni thei dingin mi malsawm rawh. Isu Krista hmingin ka hni che. Amen.

PATHIEN KUOMAH IENGKIM PÊK

“Tangka ni lovin, ka zirtirna hi lo pom ro, rangkachak ditumtak nekin
..... (v. 10)
Tiem ding le ngaituo zawm dingin: Thuvarhai 8:1-11

Thil hnawl hnungah lawmna hung ra suok thu hre thiemlo hai chun inhnelmi haiin an inhnelna dinga nasataka an in thunun danhai - a bik takin Olympics Games a thrang dinghai dam hi zuk ngaituo sin ro. A nuhmei a pasal ti lovin, an taksa in a thei bak bakin nasatakin taksa an sawizoi in an thunun hlaka, a tawpah annin, an club annawleh an ramin lawman an hmu theina dingin. An trening laia an inrumna le an thuok lâm rakraka an thaw fanfan nahai kha inhoi tina ani nawh a nih. Ienglei inam khang ang khan an thaw ning a ta? Thil hnawl hnungah a tawpah lawmna dan chu a suklang a nih. Tuhin harsatna hai chu tuor anin huom a, nakie phaa hnena an chang theina dingin. Lungril rik tuorna, taksa inhoitina hai hnawlna, mani inthununna hrattak neih, trening khauktak neih, hieng popo hi, hnena chang beiseina chun a buk hne vong a nih.

Hi thil hnawlna leia nakie lawmna hi Kristien hai chauvin a bik taka an thaw ding ani chuong nawh. Histori a

khawm, hi thil hi mivar le thil ngaituo veng veng hlak hai chun an lo hriet a nih. Plato chun a hril lang a, Socrates khawma a hril a nih – anni kha kum sanghnih neka tam liemta a mihlui vawng an nih. Grik filosofi chun tisa chakna hai thununna dingin mani insumtheina le mani-inhnawlna leia hringna thra siem chu an lo uor êmêm a nih.

Kristien a khawm hin Pathien chu hi khawvel a hin Ama Naupa angin a hung thu le chatuon hremhmun anthawk intlanna sinthaw dinga a hung thu amin chuktir a nih. Sandam ei nih, anachu sandam ei ni leia inthrong hadama, chu sandamna chu ngaituo el ding ei ni nawh. Sinthaw dinga sandam ei nih. Ringnawtuhai hman hmatienng lawmman beisei leiin, tuta inhoitina tamtak an hnawl le tlansan thei chun, eini ringtu intihai hman hman hi, ei va thaw nasa nawk zuol a trul naw ding? Rangkachak lawmman hmu dinga ringnawtuhai hmana an thaw ngam chu eini ringtuhaiin Pathien tading hiel khawma ei thaw ngamlo chun, anni chu thlir ngam ei tim?

TRONGTRAINA

Pa, i skul hi a khauh a chu a tawpa chun ka ta dingin intlanna a nih. I thu inchuktir hai hi, intak le thlaktheilo khawm nisien, a tawp a tawpa chun ka sandamna a nih. A bul tira inthawkin a tawp chu min hmutir la, chuongchun chu thiltum tlungna tienga chun ka theina popo hmang thei dingin. Amen.